




BIBLIOTHECA
UNIVERSITATIS
JAGIELLO
CRACOVENSIS


Kat. Komp.

345253

Mag. St. Dr.

I






345253

I





EPISTOLA

345253 I Amici ad Anicum.

De Zelo Sacrosancta Fidei Romano-Catholicae in Polonia.

Post indictum per Serenissimum Nostrum REGEM & Domi-
num, Annō proximē elapsō Generalem Regni Conventum,
Literas tuas acceperam, ex quibus à Catholica Religione Dissi-
dentes, pro libero Sectarum suarum exercitio, atq; pro admissi-
one ad Senatorias & Equestris Ordinis Dignitates, summo
çonatu apud Rempublicam institutos abundē intellexi. Obstru-
pui primum ad tām inexpectatum Nuntium, quod in Regno
nonnisi tolerati, ad ea adspirare pr̄sumerent, quæ sunt su-
pra eorum sortem & conditionem Legibūs Patriis circumscri-
ptam, demū summopere indolui, postquam eos exterorum
Principum favores, immō fortassis & brachium, ad exequenda
sua molimina quæsisse, immō & invenisse subsequentes nuntiā-
sti. Nunquam tamen de integritate Catholicae Religionis in
Regno dominantis desperatum iri credidi, observante mihi in
oculis Serenissimo REGE piò justo, ac super omnia Orthodo-
xo, qui cum ad Regnum assumeretur Catholica Ecclesiæ Filius,
Sanctam & illibatam Fidem tuendam ac manutenendam solemnē
juramento promisit. Videre mihi in Eo videor, revixisse primos
Fidei in Polonia Plantatores MIECISLAOS, Propagatores &
Propugnatores, BOLESLAOS CHROBRIOS, VLADISLAOS
JAGELLONES, CASIMIROS, & quotquot olim fuerunt; mu-
rum se pro Domino DEO Exercituum opponentes Principes,
& suum sanginem contra tot Gentes immanitate barbaras,
multitudine innumerabiles, non aliò quam ampliandæ & di-
latandæ Religionis Catholicae studiō prodigentes, quis est,
qui tām sub Optimo & Magnanimo REGE periclitari posse
Sacrosanctam Fidem pertimescat? Erigit nutantes animos eti-

A

am

am Amplissimus ille Patrum Conscriptorum Senatus, ille Nobilissimus Equestris Ordo, à præsta Majorum virtute & pietate — non degener, uterq; pro Fide & Religione vitæ & fortunatum prodigus, uno tempore legum & libertatum suarum ac focium Ecclesiæ conservandorum Vindex acerrimus. Maximum autem ad retundendos heterodoxorum impetus robur, intrepidum Episcoporum Regni pectus sece offert, quorum tibi Pastoralis adversus scabiosum heterodoxorum pecus; vigilancia, contra simulatas habitu oves, actu & crudelitate lupos (a) sedulitas, nota & perspecta est. Nec mea hæc fessellit opinio Postquam enim eas Literas Pastorales ad Clerum & Populum suarum respectivè Diœcesum, ad implorandam Divinam Congregatis Regni Statibus opem & recta Consilia, ad consuados hæreticorum ausus & arrogantes spiritus; auxilia, animantes, direxisse audivimus, laudavimus Divinam Providentiam, quæ nunquam Ecclesiæ suæ deest, quod novissimo etiam hoc tempore prospexit Speculatores Domus Israel (b) contra sylvestres apios, Vi neam Domini depopulati tentantes (c) Custodes Vigiles, contrainimicos homines superseminare zizania volentes, agricultoras attentos, contra fures effodere domum Dei conantes, Patres familias pernoctes.

Quam boni omnes optabant, ut vel unum saltim ejusmodi Literarum exemplar, ad Urbem hanc perveniret, ut nostrorum Episcoporū pro Fide Zelū de immortalis memorie Cardinali Hosio Varmiensi, & Stanislao Karnkovi Vladislaviensi Episcopis, maximi sub SIGISMUNDO AUGUSTO Religionis Catholicæ Propugnatoribus & Vindicibus acceptū, & conservatum legendo cernerent, admirarentur, laudarent.

Incusabant Nostram, Nostrorum immò & suorum, qui cum Polonis literarum tenent commercium; oscitantiam, quod in tam gravi Religionis negotio, vel silerent penitus, vel sterterent negligentius

(a) Bernard. in Cant. n. 66. in princ. (b) Ezech. 3. (c) Psal. 79.

neglectus, satisfactum porro Publico fuit, licet pro expectantium voto & desiderio tardius, postquam Principis CAJETANI SOLTYK Episcopi Cracoviensis Dueis Severiae, primum Epistolæ Pastoralis, tandem serius Orationis ad Regem & Republicam in Conventu Regni Generali, ex tribus Statibus Congregato, super negotio vertente, habitæ, nobis copias est facta: quas, obsecundando communibus votis; ex idiomate Polonico tum in Latinum, tum in Italicum sermonem converti, ac tandem typis imprimendas dari necesse fuit, factumq; est eo successu, ut dum adhuc in prælo essent, expectarentur anxie, impressæ ex ciperentur, immo distraherentur avidissime. Universalem pretinus plausum, & adprobationem meruerunt in Foro, in Curia, in Aulis Principum, in Palatiis Prælatorum, in Religiorum Claustris, in Collegiis Nationum, in eruditorum Confessibus, idem erat, oracula Nostri Præsulis legi; & laudari. Alius Authoris in dicendo constantiam, aliis in promovenda Religione Orthodoxa Zelum, aliis in defendenda cor magnanimum, & ad durissima pro ea ferenda; intrepidum extollebat. Et hi quidem, quibus Civilis scientia in usu est; gratulabantur Republicæ Nostræ, quod in ea non licet, ut ait Plinius. (d) Curiam elinguem videre, ac dicere, quod velles periculosem, quod nolles, misserum, non est. Principem vero CAJETANUM modò Aulo Caesarillo comparabant; Cujus tanta fuit in perorando constantia, ut nullius gratia, aut authoritate taceret: modò Theodoro, cuius lingvam omnia despicientem, quamq; nullus claudebat periculi metus, commendat Amianus. (e) Verum minus apta hæc profanæ Historiarum exempla in comparatione Ejus; Viris Ecclesiasticis videbantur, atq; potius si scitasse sibi Deum Sacerdotem fidem, (f) in quo priscorum Ecclesiarum Patrum pro Fide & Religione Spiritus revixisset; asserebant.

A2

Et jure

(d) apud Maraviglia Prudent Senat. lege 68. (e) Ibidem

(f) 1. Rom. 2. v. 35.

Et jure quidem optimo, manib⁹ complosis acclamabant plurimi, memor enim dicebant Divini illius Oraculi: Attende ad Petram unde excisi esis, nolite timere opprobrium hominum, & blasphemias eorum ne timeatis: (g) quidquid obganniebant hæretici, quidquid fautores eorum minabantur, sprevit & flocc habuit, monitum Pauli ad Timotheum ad se, tanquam ad Episcopum pertinere optimè sciens: insta opportune & importune argue, obsecra, increpa. (h) instituit apud congregatos Regni Statutus, ut Religionem Catholicam à Majoribus suis cum Sangvine traductam conservarent & tuerentur; obsecravit, & importunis exterorum Principum pro hæreticis precibus & minis, Dei adjutorio freti; minimè flecterentur, ipsos vero à Religione dissidentes, quod ingrati & iniqui, perduelles, contra leges Patrias quæ illis nō nisi Personarū & Bonorū securitatē cautē constituerent, ad liberū & publicum Sectarū suarū exercitiū arroganter adspiratione, ad Regni & Palatinatum dignitates, jus possessivum præsumptuose arrogarent, atq; hoc ipso tum internam, tum externā Patriæ pacem degeneres Filii perturbarent; arguit & increpavit.

Hærebat ei videlicet alta mente reposita doctrina Pauli ad Titum (i) Oportet Episcopum esse amplectentem eum, qui secundum doctrinam est; fidem sermonem, ut potens sit exhortari in doctrina sana, & eos, qui contradicunt, arguere, non modo Divinam, Ecclesiasticas & Civiles, ac Municipales Patriæ leges, conatibus hæreticorum obsistere, sed etiam Regum nostrorum Pacta Conventa, Vicinorum Principum fædera, & pacis Tractatus repugnare, demonstravit. Obsecutus Verbo Domini ad Isaiam dicentis (k) Clama ne cesses, & quasi tuba exalta vocem tuam. Opportunè ad interpretationem Augustini (l) Scitis quod tuba non iam oblectationis esse solet, quam terroris; non tam delectationem preferre, quam inferre formidinem. Tuba itaq; necessaria peccatoribus est, qua non solum aures eorum penetret, sed etiam concutiat, nec delectet

(g) Isaia 51. (h) Cap. 4. v. 2. (i) Cap. 1. v. 9. (k) Cap. 58.

(l) Serm. 1, de tempore.

delectet cantu, sed castiget auditu: eorum erga Regem & Domi-
num suum infidelitatem, impietatem erga Patriam, in sacro-
sanctas leges contumaciam exprobavit. Volve si libet sacrarum
literarum monumenta, maximè reperies olim Synagogæ Sacer-
doti fuisse poenam mortis institutam, nisi campanularum soni-
tu sese patefecisset. Audiatur sonitus Aaron, quando ingredietur &
egredietur sanctuarium in conspectu Domini, & non moratur. (m)
quem textum ita exponit Gregorius (n) Sacerdos namq; egredi-
ens & ingrediens moritur, si de eo sonitus non audiatur. quia iram
in se occulti Iudicis exigit, si sine prædicationis sonitu incedit. Sive
ingrederetur Aulam Consiliorum, Legum statuendarum & ma-
nutenendarum Sacratum, sive egrederetur, audisses heterodo-
xos, dignitates, ministeria, honorifica subsellia, æquali jure cum
Catholicis prætendentes, objurgantem; quaæ conventio Cbristi cum
Belial: que societas lucis ad tenebras (o) quæ abscessorum à vite pal-
mitum; non coherentium Capiti & Ecclesiæ Corpori membrorum,
cum Orthodoxis communio: hos tanquam proditores protervos, tu-
midos & voluptatum magis amantes, quam Deum, habentes quippe spe-
ciem pietatis, virtutem ejus abnegantes Paulus ad Timoth. vitare jus-
sit. (p) Quis in Senatu Socios? quis publicorum Officiorum Admi-
nistros? nisi Acatholicus patiatur! Regni commoda, commerci-
orum incrementa, artificum copiam, ac alia plura Patriæ emolu-
menta, si illis publicum Sectarum suarum permittereture exerciti-
um, allegabant, somnia hæc vigilantium esse asseruit, & ab arbo-
ribus autumnalibus & infructuosis (q) sperare fructum imprudentis
esse reposuit. Quid prodest homini? si mundum universum lucretur,
anima autem sua detrimentum patiatur. (r) Quid Regno? si Uni-
tatem Fidei scindi, si credere quod liber; permittat lieere, si au-
geri hæresim, quā ad vivum depinxit Poeta. (s)

O! Callidarum

(m) Exod. 28. (n) Pastor. pag. 2. cap. 4. (o) 2. ad Corintb. Cap. 6.

(p) 2. ad Timoth. 3. (r) Judæ Appls (s) Matb. 16: (s) Massenius Poet.
Lyric. lib. 3,

O! calidarum Seminarium fraudum!
Proter, vafra, fluctuans levis mendax,
Plutônishæres, ac Proserpinæ partus,
Orciq; cunctis obstetricibüs diris
Seu Monastici fatus.

Probis ab ortu filia excucullati
Trasonis omne cui vile Sacramentum;
Fidesq; sit homini, Deoq; jurata;
Nil veritatis, lacteiq; candoris,
Nil sanitatis, optimæq; virtutis,
Nil gaudiorum, nil amabilis pacis,
Concordiaq; possides, furor tota,
Nutrix bellorum ruinaq; Europæ;
Scelerum theatrum, vanitatis Orchestra
Discordiarum scena, gentium clades,
Nostræ quietis execranda tempestas,
Scuritatis scopulus, atq; Civilis
Mallea pacis, otiiq; vertigo
Legum Charybdis, naufragiaq; virtutis,
Extrema pestis.

Quid inquam fieri Regno? si hæresim augeri, cū Ecclesiæ Catho-
licæ danno, crescere cū Gentis Nostriæ opprobrio, serpere cum si-
delis populi periculo, sinat atq; permittat. Fuit ex Pseudopoliti-
cis nō nemo, qui liberè pro Religione Catholica orantē Episcopū,
mansuetū & discretū esse debere ex Epistola ad Timotheū (t) admonu-
erit, & quasi ad rē eliset; Divi Chrysostomi sententiam allegaret,
Memento: quod et si justa dicas, cū ira, cuncta perdidisti, sive fiducia-
liter agas, sive communeas, sive quodlibet geras, Zelus enim venia carēs,
non Zelus, sed ira potius est, & correctio humani tatem non habens, in-
vidia quedam esse videtur. (u) at qua mansuetudine? qua lenitate?
erga heterodoxos esset, abunde liquet; cumeis pro perduellionis
crimine veniam dari, poenas quas meruerunt; modò in posterum
modestius

[t] Cap. 3. (n) homil. 30. ad popul. Antioch. de ira.

modestius tese gere nr; condonari, postulasse; eum legimus.^x cri-
men tamen ipsum ne fovere videtur; nec pati, nec ferre debuit.
Negligere enim cum possis turbare perversos nihil aliud est quam fo-
vere, nec scrupulō caret Societatis occulte, qui manifesto facinori cū po-
test, desinit obvirare. (v) Erat alius qui nisi parcū loqueretur, fa-
cium cum eo iri, quod Chryostomo ab Eudoxia accidit, commi-
nabatur, nihil tamen prorsus de fervore remisit. Agebatur non
jam de ludis, ut olim in Urbe Constantiopolitana corā Statua
Imperatricis faciendis, sed de erigendis & aperiendis hæreticorum
per Regnū Synagogis, nō se id uoquā permissem usq; ad extre-
mū spiritum testatur, effossa jaciendis eorū fundamentis humū
cum ruina & strage sui corporis le imp̄eturum spondet, orna-
tum Pontificiā Tyara caput, pro primo lapide offert, necquid-
quam cum Chryostomo metuit: *Vult me Regina exalem? agat in
exilium, Domini est terra & plenitudo ejus, & si vult secare? secet,
idem passus est Isaías: Si vult in pelagum mittere? Zona recordabor,
si vult in Caminum injicer? idem passi sunt illi tres pueri, si me vult
feris objicere? objiciat, Danielis in lacum abjecti memorabor, si me
lapidare vult? lapidet me, Stephanum habeo primum Martyrem So-
ciū, si & caput tollere vult? tollat, habeo Sociū Joannem Baptistā,
& si substantiam auferre? auferat, nudus exivi ex utero Matris mea
& nudus revertar.*

Ob iavictam hujusmodi Animi sui constantiam, & præclara
de Religione merita, tantam in hac Urbe gloriam adeptus est,
& existimationem, ut ad illius laudem, nihil mihi opus sit de
meo adjicere. Siquidem tamen Rychardum Angliæ Regem de S.
Hugone Episcopo Liconiensi dictum reliquiss memini, *Si omnes
Episcopi tales essent, nihil adversus eos possent seu Reges seu Princi-
pes, (y) non solum Regno Nostro, sed Universali Ecclesiæ simi-
les CAJETANO Pæsides optare, omniū interest; quicunq; Chri-
stianæ Fidei Professione, non nomine tenū censemur. Optare
inquam interest, Si enim Seneca Supremorum Principum, &*

Rerum-

(v) Can. ss. Negligere 2. q. 7. (x) Epist. 33. ad Cyriac. (y)
apud Bellug memor, ad Philip. V. Lusitan. Regem n. 228,


Rerum publicarum defectum in eo ponit, quod defint Viri, qui veritatem dicant; Monstrabo Tibi, cuius rei inopia laborant magna fastigia, & quid omnia possidentibus deest, unum scilicet; qui verum dicant, dum nemo ex animi sui sententia dicit, aut suadet; sed adulandi certamen, unū est omnīū officiū (z) Utinam Catholici Præsules dum de Religione & Fide agitur, non placendi studiō, non carnis & sanguinis affectu, non spe temporalis lucri, non honorum illecebris, immo nec mortis ipsius opetenda formidine dissimulent unquam veritatem, sed S. Caroli Boromæi monitu: quod Evangelii docet, que Christus jubet, quod ratio prescribit, quod Ecclesie Autoritas Dignitasq; exigit, (a) loquantur, & non confundantur. Habent in CAJETANO bonorum Operum exemplum, Ejus pietatem eximiam, pro Religione Zelum ardenter, fortitudinem conspicuam admirantur & imitantur. Tanquam Simon Onie filius' Sacerdos Magnus in vita sua suffulxit Dominum, & in diebus suis corroboravit Templū. Curavit Gentem suam, liberavit eam à perditione. Ecce quasi stella matutina in medio nebula, & quasi Luna plena in diebus suis lucet; (h) huc animos, hue oculos intendant;


Prolixior forte Tibi in scribendo videbor, quod si tamen Amplissima Principis quæ hic habuit; elogia me contraxisse (ut ingenuè fateor) credes; brevitati potius consuluisse, probè intelliges. Vale Dabam Romæ XVII, Kalendas Martii. Annō Domini 1767.

Norindus Chalcedonius
P. A.



(z) Epist. 21 (a) apud Bellug. lib. cito: n. 237. (b) Eccl. 50.





Biblioteka Jagiellońska



stdr0025419

